



Llunes, 26 de setiembre del 2022

El Principáu y la FACC llancen el Plan *Falamos* pa impulsar la enseñanza del asturianu y del eonaviegu

- La Consejería de Cultura, Política Llingüística y Turismu, en colaboración colos conceyos asturianos, va ufiertar cursos gratuitos p'adultos pa promover l'usu cotidianu de les llingües propies
- El programa cunta yá con más de 400 preinscritos nes sesiones previstes, de momentu, en 13 conceyos asturianos

La Consejería de Cultura, Política Llingüística y Turismu y la Federación Asturiana de Conceyos ponen en marcha *Falamos*, un plan nuevu d'enseñanza non reglada p'adultos que quieran adquirir conocimientos básicos de llingua asturiana y eonaviegu. La consejera de Cultura, Política Llingüística y Turismu, Berta Piñán, presentó esta mañana'l programa nuevu xunto a la presidenta de la FACC, Cecilia Pérez, y el director xeneral de Política Llingüística, Antón García.

El plan *Falamos*, ufiertáu al traviés de los conceyos asturianos, incluye cursos gratuitos y semipresenciales p'adquirir nociones básiques que dexen mandase del asturianu o del eonaviegu en situaciones cotidianes. La iniciativa empezó yá a ufiertar cursos en dellos conceyos asturianos y la respuesta foi bien positiva, con más de 400 preinscritos nes primeres selmanes.

El desenvolvimientu del plan *Falamos* va cuntar con una inversión de 86.000 euros por parte de la Consejería de Cultura, Política Llingüística y Turismu, y la FACC va ser la encargada de coordinar el programa nos conceyos asturianos. Los cursos gratuitos van impartise a lo llargo del últimu trimestre d'anguaño con una programación en modalidá dual de 42 hores de duración, reparties en 22 hores de sesiones on line y 20 hores en cinco sesiones presenciales.

Los temarios de *Falamos* iguáronse con una estructura cenciella y dinámica y incluyen aspectos vinculaos al vocabulariu y la gramática de dambes llingües pa poder remanalos en situaciones de caldía. Términos y estructures rrellacionaes col ámbitu personal y corporal, emocional y familiar; casa, pueblu y ciudá; comerci u alimentación; trabayu y tiempu



libre. También incluyen recursos lingüísticos sobre entornos naturales, viajes, multiculturalidad, internet y medios de comunicación.

De momentu, programáronse cursos en trece conceyos asturianos. La oferta va dir aumentando de la que vaigan confirmándose sedes nuevas y a tenor de la demanda existente. Toles persones que quieran pueden formalizar la preinscripción nel enllaz <https://cutt.ly/7VbJGoJ>.